

آبونه اولوق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات

سه لکی در سعادت ایچون مجیدیه
بکرمی غروش حسابیه التمش
غروشدر

طهره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه متعلقدر

محاکمات مقبره

یافه تجارت محکمه سی رئیس سابق رفیق افندینک
اوراق انفصالیه و مدافعه نامه سی انجمن انتخاب
مأمورین عدلیه جه لدی التدقیق جواز استخدا منه
قرار ویرلشدر.

محکمه تمیز استدعا دائره سندن تنظیم واعطا
اولنان اعلامدر:

درامه سنجانی بدایت محکمه سی جزا دائره سندن
استینافاً تنظیم واعطا قلنان ۱۴ جزیران سنه ۳۲۳
تاریخی و ۲۵۰ نومرولی اعلامک تمیزاً تدقیق طلبی
حای فرهاد افندی وکیلی نظیف افندی طرفندن
ویریلان ۲۰ جزیران سنه ۳۲۳ تاریخی استدعا نامه
واوراق متفرعه سی باش مدعی عمومیک مأموریت
بهیه سنک ۲۷ تشرین اول ۳۲۳ تاریخی تبلیغ نامه سی
ایله محکمه تمیز استدعا دائره سنه تودیع اولنش
ولدی التدقیق مذکور استدعا نامه نک مدت قانونیه سی
ظرفنده ویرلدیکی و شرائط قانونیه بی جامع ایدوکی
اکلاشلمش اولدیغندن بالقبول تدقیقات تمیزیه
اجرا سنه ابتدار قلندی.

اعلام مذکورک خلاصه مالی مستدعی فرهاد
وبرادری رفعت افندیلرک مشترکاً متصرف اولدقلری
خانه نک آخور و طوانلری هدم و تخریب ایتدکلی
ادعا قلنان حسن بک زاده مختار بک ایله زوجه سی
رقیه خانم حقلرنده کی دعوانک مسائل مستأخره دن
طولانی ردینه دائر مقدما ویریلان اعلامک عندالتمیز
تأخیر رؤیت دعوایه قرار ویرلماش اولمسندن ناشی
نقض واعاده اولنسی اوزرینه بوکره اجرا قلنان
محاکمه و تدقیقات نتیجه سنده تصرف املاکدن متولد
اولان ذات مسئله نک حقوق محکمه سنجیه قراره ربط
ایدلش اولسنه نظراً فصل ورویتی جزا محکمه سنک
وظیفه سندن خارج بولندیغندن بحاله دعوا مذکورک
صلاحیت نقطه سندن ردینه قرار ویرلدیکی متضمندر.
لایحه تمیزیه ده محکمه مذکورک جه نقض واقعه

اتباعدن سوکره اجرا قلنان محاکمه مظلونلر
طرفندن مسئله مستأخره وشیان قبول اسباب فسخیه
درمیان اولنمادیغنی جهته حکم ابتدائینک تصدیق لازم
کلور ایکن برمنوال محرر قرار ویرلشنک مغایرت
قانونیه سندن بحاله اعلام استینافینک نقضی استدعا
اولنمشدر.

تبلیغ نامه ده دخی درمیان اولنان اعتراضاتک بجا
اولمادیغنی بیانیله تمیز استدعا نامه سنک ردی لزومی
کوسترلشدر.

ایجابی لدی المذاکره مندرجات اعلامدن منضم
اولدیغنی اوزره مظلونلره اسناد اولنان فعل هدم
و تخریب ماده سندن عبارت اوله رق ثبوتی حالنده
مستلزم جزا اولسنه نظراً رؤیت و تدقیق محکمه نک
صلاحیتی داخلنده بولنش وجهت حقوقیه جه تخریب
ایدلیدی ادعا قلنان محاکمک عندالحاکمه مظلونلرک عهده
تصرفنده بولندیغنی ثابت اوله رق ایشک بویولده قراره
ربط ایدلش اولسنه کوره میدانده جرم تشکیل
ایدر بر فعل و حرکت اولمادیغنی بیانیله برائت قراری
ویرلک ایجاب ایدوب بوسبیله ذات ماده نک صلاحیت
نقطه سندن ردی احکام قانونیه ایله قابل تألیف
اوله میه جنی درکار بولندیغنی حالده عندالاستیناف
دعوا مذکورک اساساً محاکم جزائییه تعلقی
اولمادیغنی بیانیله ردینه قرار ویرلشی مخالف اصول
وقانون اولوب لایحه تمیزیه محتویاتی بوضورتله وارد
وبجا کورنمش اولدیغندن اصول محاکمات جزائییه
قانوننک اوچوز اون دردنچی و اوچوز اون طقوزنجی
ماده لری موجبجه اعلام استینافینک تقضیه احکام
قانونیه دائره سنده ایضای معامله اولنق اوزره اوراق
متعلقه سنک محکمه مذکورک عاده سنه و شرائط
تمیزیه جمله سندن اولنق اوزره اولجه تسلیم وزنه
ایدلش اولان بش لیرادن ایکی یوز غروش اعلام
خرجنک اجرای محسوبیه متبایسنک مستدعی
فرهاد افندی به اعطاسنه ۸ نیسان سنه ۳۲۴ تاریخنده
متفقاً قرار ویرلدی.

خلیلک صاغ بوکری ایله کوزی اوستندن جرح
ایله رؤیتدن محرومیتیه سببیت ویردیکی ادعا اولنمسندن
دولایی جنایتله اتهام اولنان حسینک اوچ سنه مدته
کورک قونلسنه دائر قره سی سنجانی بدایت محکمه سی
جزا دائره سندن ویریلان ۶۹ نومرولی اعلام

خلیل چاوشی جرح ایتدیکی ادعا اولنمسندن
دولایی جنایتله اتهام اولنان حسینک اوچ سنه مدته
کورک قونلسنه دائر ارطغرل سنجانی بدایت محکمه سی
جزا دائره سندن ویریلان ۴۴۱ نومرولی اعلام

خلیلی قتل قصدیه جرح ایتدیکی ادعا اولنمسندن
دولایی جنایتله اتهام اولنان حسینک اوچ بقیق سنه
مدته کورک قونلسنه و جنحه درجه سنده لزوم
محاکمه سنه قرار ویریلان خلیلک برهفته مدته حبسنه
دائر حمید آباد سنجانی بدایت محکمه سی جزا دائره سندن
ویریلان ۴۲۹ نومرولی اعلام

بازار اوغلی عثمانک یایلاخانه سنی احراق ایتدکلی
ادعا اولنمسندن دولایی جنایتله اتهام اولنان ابراهیمک
اوچ سنه مدته کورک قونلسنه و دیگرلرینک برائتیه
دائر بولی سنجانی بدایت محکمه سی جزا دائره سندن
ویریلان اعلام

فوطی زوجه سی فورتیسه قادینک آياغنه طاش
اوره رق وفاتنه سببیت ویردیکی ادعا اولنمسندن دولایی
جنایتله اتهام اولنان دیمترینک حین ایقاع جرمده
نابالغ مراهق بولنسی حسیله قرقتی ماده قانونیه
موجبجه مستحق اولدیغنی بش سنه کورک جزاسنک
ثلثی اولان یکریمی ماه مدته حبسنه دائر تکفور طغانی
سنجانی بدایت محکمه سی جزا دائره سندن ویریلان
۲۷۷ نومرولی اعلام

ترزی صوتیری بی ضرب و جرح ایتدیکی ادعا
اولنمسندن دولایی جنایتله اتهام اولنان قسطه نک اون
بش سنه مدته کورک قونلسنه دائر تکه سنجانی
بدایت محکمه سی جزا دائره سندن ویریلان ۶۵
نومرولی اعلام

اودونجی عرامه نک انشای راهده اوکنه چیه رق
معامله جبر و شدت اجرا سیله اچقه و اشیاسنی اخذ و غصب

ایتدکلری ادا اولمسندن دولای جنایتله اتهام اولنان امین ومصطفانک اوچر سنه مدته کورکه قونلرینه دأثر سلا نیک ولایتی استیناف محکمه سی جزا دأثره سندن ویریلان ۲۲ نومرولی اعلام

حسینه قتل قصدیه تشهیر سلاح ایتدیکی ادا اولمسندن دولای جنایتله اتهام اولنان اسماعیلک اوچر سنه مدته کورکه قونلرینه دأثر ایلصان سنجانی بدایت محکمه سی جزا دأثره سندن ایکنجی دفعه اوله رق ویریلان ۹ نومرولی اعلام

سلیمان اوغلی عاشور چاوشک آیغنی طاشله جرح ایتدیکی ادا اولمسندن دولای جنایتله اتهام اولنان فضلینک اوچر سنه مدته کورکه قونلرینه دأثر اضروروم ولایتی استیناف محکمه سی جزا دأثره سندن ویریلان ۵۷ نومرولی اعلام

ابراهیمک اشیا وتقودینی اخذ وغصب ایتدیکی ادا اولمسندن دولای جنایتله اتهام اولنان ممشک اوچر سنه مدته کورکه قونلرینه دأثر اضروروم ولایتی استیناف محکمه سی جزا دأثره سندن ویریلان ۷۷ نومرولی اعلام

زکریایه قتل قصدیه تشهیر سلاح واوغلی علی بی قتل وکاهنک احراقه سببت ویردیکی ادا اولمسندن دولای جنایتله اتهام اولنان احمدک حین اشاع جریده هنوز اون بش یاشی اکیال ایتماش مراهق اولدینی جهته قرقچی ماده قانونیه موجبجه مستحق اولدینی اون بش سنه کورک جزاسنک ربی اولان اوچر سنه طقوز ماه مدته حبسنه دأثر سرفیجه سنجانی بدایت محکمه سی جزا دأثره سندن ویریلان ۷۴ نومرولی اعلام

داودی قتل ایتدکلری ادا اولمسندن دولای جنایتله اتهام اولنان رمضانک اون بش سنه مدته کورکه قونلرینه واسماعیل وحاجی حسین وخیل وعلی وموسی وصاتشک برائثرینه دأثر قره حصار سنجانی بدایت محکمه سی جزا دأثره سندن ویریلان ۵۳ نومرولی اعلام

حسینی قتل ایتدکلری ادا اولمسندن دولای جنایتله اتهام اولنان کریمک اعدامنه واحد چاوشک اوچر سنه مدته کورکه قونلرینه دأثر کرکوک سنجانی بدایت محکمه سی جزا دأثره سندن ویریلان ۲۷۰ نومرولی اعلام

عبد الحسینک اشیا سرت ایتدکلری ادا اولمسندن دولای جنایتله اتهام اولنان جدوع وصالحک اوچر سنه مدته کورکه قونلرینه دأثر بغداد ولایتی استیناف محکمه سی جزا دأثره سندن ویریلان ۱۰۲ نومرولی اعلام

اولمسندن دولای جنایتله اتهام اولنان محمدک اوچر سنه مدته کورکه قونلرینه دأثر بغداد ولایتی استیناف محکمه سی جزا دأثره سندن ویریلان ۷۸ نومرولی اعلام

شاگردینک اوزرینه سلاح انداخت وعبد القادری ضرب ایده رک اشیا سرت ایتدیکی ادا اولمسندن دولای جنایتله اتهام اولنان احمدک اوچر سنه مدته کورکه قونلرینه دأثر حلب ولایتی استیناف محکمه سی جزا دأثره سندن ویریلان ۲۱۵ نومرولی اعلام

محمد وزوجی عایشه نک باغچه لرینه بالدخول عایشینی جرح ایله اچق واشیالری غصب ورشیدی قتل قصدیه جرح ایتدکلری ادا اولمسندن دولای جنایتله اتهام اولنان محمد وحسنک بشر سنه مدته کورکه قونلرینه دأثر طرابلس شام سنجانی بدایت محکمه سی جزا دأثره سندن ایکنجی دفعه اوله رق ویریلان ۳۸ نومرولی اعلام

حسن افانک لیلای مسلحاً آغیلنی باصه رق جیراً طوارلری سرت ایتدکلری ادا اولمسندن طولای جنایتله اتهام اولنان حسین وخیل وعبداله رحنک اوچر سنه مدته کورکه قونلرینه و محمد چاوش و سلیمانک اوچر ماه حبسلرینه و بکرک دخی برائثره دأثر آقره ولایتی استیناف محکمه سی جزا دأثره سندن ویریلان ۱۵۳ نومرولی اعلام

محمدی قتل ایتدکلری ادا اولمسندن دولای جنایتله اتهام اولنان مفلحک اون بش سنه مدته کورکه قونلرینه دأثر کرک سنجانی بدایت محکمه سی جزا دأثره سندن ویریلان ۲۳ نومرولی اعلام

محمدی قتل ایتدیکی ادا اولمسندن دولای جنایتله اتهام اولنان حسن حسینک حین ایقاع جریده هنوز اون بش یاشی اکیال ایتدیکی جهته قرقچی ماده قانونیه موجبجه درت سنه مدته حبسنه دأثر آیدین سنجانی بدایت محکمه سی جزا دأثره سندن ویریلان ۱۰۷ نومرولی اعلام

لیغوری قتل ایتدیکی ادا اولمسندن دولای جنایتله اتهام اولنان ابراهیم نام دیگر سلیمانک اون بش سنه مدته کورکه قونلرینه دأثر ایلصان سنجانی بدایت محکمه سی جزا دأثره سندن ویریلان ۳۲ نومرولی اعلام محکمه تمیز جزا دأثره سنجه تصدیق قلمشدر .

۶۷۹ نومرولی نسخه ده مندرج در سعادت جنایت محکمه سی اعلامنک بقیه سی :

اشبو افاده به قارشو دخی نه دیه جکی لسان ترجانی معرفتیه متمدن صورلدقده انکارنده اصرار

وبعد الوقعه قاجدینی اکلاشلیدنغدن نیچون فرار ایلدیکی عند الاستفسار وقعه دن صوکره مالتیه به کیتدیکی وبلا آخره والده سنک خانه سنه عودت ایتدیکی صرعه به ک اوغلنده قالیونجی قوللغنده در دست ایلدیکی ومالتیه به عزیمت ایتدیکی زمان ایشی بولمادیغنی ومالتیه به عمومجه سنک خانه سنده یاندیغنی تذکار ایلدی .

واقع اولان استیضاح اوزرینه طرفین توسیع تحقیقات حقده بشقه مطالی اولمادیغنی سولیکله تحقیقاتک ختام بولدی اکلادلقده معاون مومی الیه متهم یورکینک زوجی ردونیای قتل قصدیه جرح ایلدیکی شهادت ومعاینه راپوری مندرجاتی ودلائل سائر ایله ثابت اولدیغندن بحاله اولوجهله مجرمیتیه قرار ویرلسنی طلب ودعوی ایلدی .

وکیل مدافع پریکلیم افندی دخی شهادت موکلنک محکومیتیه سبب کافی اولمادیغنی وبشقه بردیل بولمادیغنی سردایله موکلنک برائثره قرار ویرلسنی طلب واستعدا ومتهم یورکی دخی بشقه دیه جکی اولمادیغنی انبایلرله محاکمه نک اختتامی افهام اوله رق مذاکره اوپه سنه کیدلدی .

طرفینک ادا ومدافعاتی استماع واوراق تحقیقه مطالعه وتدقیق وکیفیت تعمیق اوله رق مندرجاته کسب اطلاع اولندقدن صوکره ایجاب کیفیت لدی المذاکره زوجی ردونیای جرح ایتدک ماده سندن طولای اتهام ایلدیان وزوجه سنک افاده سنه واجنی اولدیغنی اثبات ایده مامسنه نظراً تبعه دولتعلیه نظریله باقیان یورکی فعل مدعا به عدم جرأتی ووکیل مدافع دخی موکلنک تجریمی مستلزم شهادت ودلیل بولمادیغنی سردایله برائتی بیان وطلب ایلدکندن اسباب موجودیه مدنظر واحاله بصر اولندقده براقشام ساعت براده لرده متهم یورکی زقاقده اوچر کشی ایله قونشمقده ایکن زوجی ردونیانک کچدیکی کوره رک متهم مرقوم بیغنی کشیده ایله مزبوره ی قوغلا یه رق اوموزینک صاغ طرفندن جرح ایتدیکی وردها اومرق تشبثده بولنش ایسه ده اولنان ثمانت اوزرینه اورمادیغنی کوردیکی حقوق عمومیه شهودندن تری آندریقونک ویراقشام طولاب درمی جاده سنده بولنقده ایکن زقاق ایچروسنده حادث اولان کورلیده متهم یورکی ایچون قاریسی اوردی دیدکلری ومتهم یورکینک دخی النده جاقی به بکر برشی بولندی حلاله کورلی اولان محله طور مقده وزوجه سی مدعیه ردونیانک دخی باغره رق قوشمقده اولدیغنی کوردیکی فرنکول ولد ماردریوسک حضور محکمه ده وپروزیه کیتسی اجلدن افاده مضبوطه استه اقیه سی اوقونان النی بنت

حکم اوله حق دیت یاخود مقدار معلوم مبلغ ایله مصارف جراحی سی استیفا اولندقدن صوکره جرح وضارب اولان کیمسه مر حاله موقتاً کورکه قونیلور [عیاره سی ناطق اولدیغندن اشبو احکام قانونیه به توفیقاً وابتدای توقیفی اولان ۳۲۳ سنی شباطنک اون ایکنجی کونه مصادف اولان ۳۲۶ سنی محرمک یکر می اوچنجی کوندن اعتباراً ومقدیمه موقوف قالدینی مدت لیک محسونی اجرا قلمق اوزره اوچر سنه مدته کورکه قونلرینه ومصارف اولان یدییوز الی غروشک دخی کندوسندن بالتحصیل مجروحه ردوشابه اعطا قلمسنه ومصارف محاکمه اولان جماعاً یوز الی غروشک کندوسندن بشقه جه بالاستیفا عدلیه وزنه سنه تسلیم ایتدی بولرسنه ۳۲۳ سنی شباطنک یکر می یدنجی کونی کذلک وجاهاً ومتفقاً قرار ویریله رک اصول فقهی ایضا قلندی .

رسولک قالیونی جرح ایتدیکی ثابت اوله مدیغندن برائثره

کاملک ذلیخانک طاووغنی سرت ایتدیکی ثابت اوله مدیغندن برائثره نیقولی ایله یانینک براشکومک خانه سنه طاش آتورق جاملری شکست ایتدیکی ثابت اوله مدیغندن برائثرلرینه

بدوسک استره تشهیر سلاح ایتدیکی ثابت اوله مدیغندن برائثره جون ایله یاسفک مضارب ایتدکلری ثابت اوله مدیغندن برائثرلرینه

بروسه لی صاوانک سرسریلی ضبط ورقه سی مندرجاتیه تین ایتدک بر ماه مدته حبسیله برابر برسنده ضعیفه نظارتی آلتده بولند بولرسنه وختام مدت جزایه سنده ملککی جانبیه طرد وتبعیدینه نیقو ایله مفرد بیجک شاکری ضرب وجرح ایتدکلری ثابت اولدیغندن اون بشر کون مدته حبسلرینه

پنایوطک یانی به اطاله لسان ایتدیکی ثابت اولدیغندن یارم آلتون جزای نقدی آلتسنه

علینک محمدی ضرب ایتدیکی ثابت اولدیغندن بر آلتون آتهرق مضروب ویرلسنه بکر وعلینک یکدیگری ضرب ایتدکلری ثابت اولدیغندن بر رفته مدته حبسلرینه

مصطی وبوده نک یکدیگری ضرب ایتدکلری ثابت اولدیغندن بر رفته مدته حبسلرینه

قاملیانی ضرب وجرح ایتدیکی ثابت اولان مارقونک اون کون مدته حبسنه

یورکینک دخی براقشام قائم والده سندن خانه سنه عودت ایتدکدک ایکن برکورتی وغلبه ک اولسلیله باقدیغنده ردونیانک اورلش واطرافه بر جوق خاق بریکمش وسؤالنده مزبوره نک زوجی طرفندن جرح ایدلش اولدیغنی وبرشخصک دخی النده بولنان بیجاغک برطلوبه یی طرفندن آلتنه اوغراشلیغنی کوردیکی دأثره استیفا قده مع القسم وعلی الدرجات اخبار ایللرینه نظراً شاهدلردن برینک رأی العین جرح وقوعنی کورمش اولمسندن ودیگر لرینک افاداتی ده آتی تأیید ایتسندن وعقب وقعه ده متهمک فرار ایتسندن حکم ایچون شهادت ودلائل کافی حاصل ومدعیه محاکمه متهم یورکینک کندوسی اورمادیغنی سردایدیورایسه ده بوسوزی مقدا تحریراً واستنطاقاً واقع اولش اولان افاداتی برطرف ایده مدکدن ماعدا حقوق عمومیه دعواسی دخی غیر مبطل اولسنه مبنی متهمک انکار کیفیت ومدافعه وکیلنک طلب برائت ایلسی واهی وراپور موجبجه آلت جرحک مجروحه نک اوموزینک آرقه جهت لریه نفوذ ایله تا جوف صدره مقارنت وجهه شهادتدن اولدیغنی وجهله متهمک جرحه دوامنه بعض کیمسه لرک حیولت ایتسی وجرحه مذکور هونلک الی کونده التیام بولسی قتل قصدینک برهان دافع الاشباهی اولغله متهم یورکینک ۳۲۳ سنی اغستوسنک یکر می التنجی کیمجه سی ساعت ایکن راده لرده بک اوغلنده طولاب دره سنده منقصار جاده سنده زوجی ردونیای قتل قصدیه جرح ایلدیکی حلاله اهلینک ممانق واقع اولسی ومجروحه مزبوره نک اجل موعودینک حلول ایتماسی اسباب مانعه سیله ماده قلی فعله جیحاره مدینی تحققی ایلدیکندن اولوجهله مجرمیتیه وجاهاً ومتفقاً قرار ویریله رک محاکمه اوپه سنه عودته قرار مذکور علناً قرائت و بیان اولنده معاون مومی الیه مجرم یورکینک قانون جزانک یوزسکسائی ماده سنه توفیقاً تحدید جزاسنی طلب ودعوی ووکیل مومی الیه موکلنک تخفیف مجازاتی استدعا ومدعیه ردونیایله مجرم یورکی دخی بشقه دیه جکلری اولمادیغنی انبایلرله بوجهت محاکمه نک اختتامی بالا فهام مذاکره اوپه سنه کیدلدی .

تعیین جزا خصوصی ده مذاکره اولندقده مجرم یورکینک حرکتی قانون هایون جزانک یوزسکسائی ماده سنه موافق ماده مذکور [اگر جرح وضرب فعلی ذاتاً قتل قصدیه اولوبده جرح وضاربک یداختیارنده اولیان اسباب مانعه حیولتیه ماده قتل فعله جیحامش ایدوکی تین ایلرایسه یاره وبره سی کرک اغیر اولسون وکرک خفیف اولسون مواد ثلثه سابقه ده بیان اولدیغنی وجهله جرح وضربک درجه سنه کوره

محمدی ضرب ایتدیکی ثابت اولان علیدن بر آلتون آتوب مضروب ویرلسنه

یانینک خلاف تنبیه اوزرنده سلاح طاشیدینی ثابت اولدیغندن بش بشلک جزای نقدی آلتسنه

دیتمرینک آندوناکی به اطاله لسان ایتدیکی ثابت اولدیغندن بر آلتون جزای نقدی آلتسنه

شاذی افندی ایله کاظمه نک مضارب ایتدکلری ثابت اولدیغندن بر رفته مدته حبسلرینه

خرستونی جرح ایتدیکی ثابت اولان نیقولیدن بر آلتون آتوب مضروب ویرلسنه

خاجیک ومیکه نک مضارب ایتدکلری ثابت اولدیغندن بر رفته مدته حبسلرینه

یشارک مارقابه تشهیر سلاح ایتدیکی وجاملری قیردینی ثابت اولدیغندن اون بش کون مدته حبسنه

هاریقانک خانه سنده ساکنه قایتیه نک طاش آتورق ویرژینک جاملری شکست ایتدیکی

ثابت اولدیغندن مزبوره قایتیه دن الی بشلک جزای نقدی اخذیه برابر کندوسنک درت کون مدته حبسنه

روسولاتونک آرایه اورتوسی سرت ایلدیکی ثابت اولان جینونک الی ماه مدته حبسنه

قومیسونجی امانوئیلک تیوئونی ضرب وجرح ایتدیکی ثابت اولدیغندن مرقومدن ایکن آلتون آتهرق مضروب ویرلسنه

جکرجی طاشونک کیسه سی اخذ وسرت ایلدیکی ثابت اولان یانینک اوچر ماه مدته حبسنه وختام مدت

جزایه سنده ضابطه جه کفالته ربطنه لاریناجی آندریقونک قاملیانی ضرب وجرح ایتدیکی ثابت اولدیغندن اون بش کون مدته حبسنه

خریستوفوریدی به اطاله لسان ایتدیکی ثابت اولان تجاریانجیسی یوانا کیدن بر آلتون جزای نقدی آلتسنه

بقال چراغی اسپرونک بلدی چاوشلردن احمد افندی بی اجرای وظیفه حالنده ضرب وتحقیر ودیگر بقال اوسته سی پنایوطک دخی مومی الیه یی تحقیر ایتدکلری ثابت اولدیغندن حقارته جرأتی سبب شدت عدیه اسپرونک الی ماه مدته حبسنه وپنایوطدن بر آلتون جزای نقدی آلتسنه

توفیقک حافظ عمر افندی ضرب ایتدیکی ثابت اولدیغندن بر رفته مدته حبسنه

بدروسک آرداشه اطاله لسان ایتدیکی ثابت اولدیغندن یارم آلتون جزای نقدی آلتسنه

اسلام نام کسنه نک ابراهیمه اطاله لسان ایلدیکی کی هر ایکسینک ده مضارب ایتدکلری ثابت اولدیغندن اون کون مدته حبسلرینه

خلاف تنبيه اوله رق اوزرنده سلاح طاشيديني ثابت اولان پامينودادن بر بشلک جزای تقدی آلمسنه بک اوغلی بدایت محکمه سی جزا دائره سنجه قرار ویرلشد.

مُجَازِمَاتُ اَنْتِبَاهِيَّة

موظ قضاسی نائب و بدایت محکمه سی رئیس عبد القادر افندینک وظیفه قانونیه سی سوء استعمال ایلدیکی آتیه ولایتی استیناف محکمه سی مدعی عمومیلکندن وارد اولان اوراق تحقیقه محتویاتندن اکلاشلمسنه مبنی محاکمه آتیه آلمسنه عدلیه نظارت جلیله سندن مأذونیت ویریلهرک مذکور مدعی عمومیلکه تبلیغات مقتضیه اجرا ومومی الیهک کیفیت محاکمه سندن طرف عالی مشیختنهاییده معلومات اعطا ایدلشد.

اِخْلَافَات

انجمن اداره عدلیه

عدلیه نظارت جلیله سی دائره سیله محاکم مربوطه سی ایچون مبايعه سی لازم کلان یکریمی بشیک جدید قیه استرانجه کورینک نقلیه وقالبور وقطار مصرفری متعهده عائد اولمق اوزره هر یوز جدید قیه سی مجیدی یکریمی غروش حسابیه یکریمی سکز غروشه طالبی اوزرنده اولوب شهر حال رومینک یکریمی برنجی چهارشنبه کونی قرار قطعیسی اعطا قلنه جغندن فی مذکور ی تنزیه طالب اولانلرک یوم مذکور قدر محاسبه ویا انجمن اداره عدلیه یه مراجعت ایللری اعلان اولنور.

نجات بحریه محکمه سنده

در سعادت والده خاتمه اجرای تجارت ایدن و تجارت بحریه محکمه سنجه ۱۲ مایس سنه ۳۲۴ تاریخندن اعتباراً افلاسنه قرار ویرلش اولان مؤیز بهار ایساق ایه اوغلی شرکتک جریان ایدن محاکمه نتیجه سنده ۳۲۳ سنه سی تشرین اولنک سکزنجی کوندنبرو حال عجزده بولندینی تحقق ایتدیکندن مذکور ۱۲ مایس سنه ۳۲۴ تاریخنک ۸ تشرین اول سنه ۳۲۳ تاریخنه ارجاعنه محکمه جه قرار ویرلدیکی اعلان اولنور.

آلنه نجات محکمه سنده :

آلنه ده چارسوی کیرده مقیم ایکن آلنه تجارت محکمه سندن افلاسنه حکم اولنش اولان چناقچی روپن کوشکریانک خصوصات افلاسیه سنک رؤیت وتسویه سی ضمنتده دعوی وکیللرندن لامع افندی اصله سندیک تعیین قلنش اولدیغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلانندن اعتباراً یکریمی بر کون ظرفنده سنداتی محکمه کاتبه تسلیم ایللری ومدت مذکور ختامندن صوکره اوچ کونده یعنی ۳۲۴ سنه سی مایسنک یکریمی برنجی چهارشنبه یکریمی ایکنجی پنجشنبه و یکریمی دردنجی جمعه ایرتسی کونلری محکمه مذکورنک مصالح افلاسیه رؤیته مخصوص اوطه سنه کلهرک سندیک افندی مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور.

آلنه ده چارسوی کیرده اوقه مالی تجارتیه مشغول ایکن آلنه تجارت محکمه سندن افلاسنه حکم اولنش اولان ترزییان قره بتک خصوصات افلاسیه سنک رؤیت وتسویه سی ضمنتده دعوی وکیللرندن یورغاکی شکاریدیس افندی اصله سندیک تعیین قلنش اولدیغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلان اعتباراً یکریمی بر کون ظرفنده سنداتی محکمه کاتبه تسلیم ایللری ومدت مذکور ختامندن صوکره اوچ کونده یعنی ۳۲۴ سنه سی مایسنک یکریمی التنجی بازار ایرتسی یکریمی یدنجی صالی و یکریمی سکزنجی چهارشنبه کونلری محکمه مذکورنک مصالح افلاسیه رؤیته مخصوص اوطه سنه کلهرک سندیک افندی مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور.

آلنه تجارت محکمه سندن افلاسنه حکم اولنش اولان و تجارتکاهلری آلنه قوزان و بیروته بولنان سحاق قصارجیان و اوغلاری دیقران قصارجیان و برادرلری ذمتلرنده آله جنی اثبات ویا موقتاً قبول وقید ایتدیرمش اولان آله جقلولرک قانوننامه تجارتک ۲۱۱ نجی و آنی ولی ایدن ماده سی موجبجه مفلسلر طرفندن تکلیف اولنه جق قونقورداتونک مذاکره سی

ایچون ۳۲۴ سنه سی مایسنک یکریمی برنجی چهارشنبه کونی محکمه مذکورنک مصالح افلاسیه رؤیته مخصوص اوطه سنه کلری اعلان اولنور.

قواله تجارت محکمه سنده :

قواله تجارت محکمه سندن افلاسنه حکم اولنش اولان یوصف لوینک خصوصات افلاسیه سنک رؤیت وتسویه سی ضمنتده دعوی وکیللرندن یروانت و تجارتدن لیا هو نامیاس افندیلر اصله سندیک تعیین قلنش اولدیغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلانندن اعتباراً یکریمی بر کون ظرفنده سنداتی محکمه کاتبه تسلیم ایللری ومدت مذکور ختامندن صوکره اوچ کونده یعنی ۳۲۴ سنه سی مایسنک یکریمی دردنجی جمعه ایرتسی یکریمی بشنجی بازار و یکریمی التنجی بازار ایرتسی کونلری قواله تجارت محکمه سنک مصالح افلاسیه رؤیته مخصوص اوطه سنه کلهرک سندیک افندیلر مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایده میان آله جقلولر حقنده قانون مذکورک ۲۱۰ نجی ماده سی حکمنه توفیقاً ایفای معامله اولنه جنی اعلان اولنور.

تکفوطاغی بدایت محکمه سی اجرا دائره سنده :

پاپاسیان آصادور اغانک خواجه ولی محله لی محمد خالص بک زوجه سی تصویر خاتم ذمتنده جهت کفالتدن آله جنی اولان بشیک کسور غروشک تأمین تسویه سی ایچون خاتم مومی الیهانک حجز وفروختی قرارلشدیریلان قائی قریه سنده قوش باغچه موقعنده واقع بر قطعه ده معلوم الحدود قرق اوچ و طوب قورو موقعنده آرمودلی ترلاده کائن اوتوز ایکی دونم ایکی اولک و سیواتلرده کرازلق ترلاده اوتوز درت و داملارجه ده پاییک اوغلنده یکریمی و طوب قوروده آقیری داوولومه یکریمی وینه طوب قوروده اوتوز ایکی دونم ایکی اولک و اوران قواغنده یدی دونم ترلالریله داملارجه ده کائن بر قطعه ده معلوم الحدود بش دونم چایرک اشبو اعلان تاریخندن اعتباراً اون بش کون صوکره بالمزایده فروخته تشبث اولنه جغندن اشتراسنه طالب اولانلرک تکفوطاغی سنجاغی بدایت محکمه سی اجرا دائره سنه مراجعت ایللری اعلان اولنور.